

## Яхудийлар ҳақида

08:23 / 02.01.2019 40766

Ассалому алайкум! Биз мусулмонлар яхудийларнинг ҳам, насронийларнинг ҳам муқаддас китобларига ва Пайғамбарларига иймон келтирамиз, лекин улар Пайғамбаримизни ҳам, Қуръони каримни ҳам тан олмай ёлғонга чиқарадилар. Масихийларнинг ақийдасича Исо алайҳиссалом Худо ёки Худонинг ўғли дейишади ва бандаларининг гунохларини кечириш учун ёлғиз ўғлини қонини тўкди ва қурбон қилди, 3 кундан сўнг қайта тирилди ва яна қиёматда қайтиб келади деб ишонишади(наузубиллах). Яхудийлар, Таврот эгаларичи? Уларнинг насронийларга муносабатичи, Исо алайҳиссаломни ким деб тан олишади ва улар кимга ибодат қилишади?

**"Зикр аҳлидан сўранг" ҳайъати:**

- Ва алайкум ассалом! [Аллоҳ](#) таоло **"Бақара"** сурасида марҳамат қилади:

يٰۤاَيُّهَا الَّذِيْنَ اٰمَنُوْا اذْكُرُوْا نِعْمَتَ اللّٰهِ اَلَيْسَ لَہٗ اَنْ يَّخْلُقَ مَا يَشَاءُ ۚ وَہٗ يَخْتَارُ ۙ  
اَلَمْ يَخْلُقْ لَہٗ ذَكَرًا وَّ اُنْثٰی ۙ وَہٗ یَّخْتَارُ ۙ اَلَمْ یَجْعَلْ لَّہٗ دُوْعًا یَّسْرًا ۙ وَہٗ یَسْتَجِیْبُہٗ ۙ  
وَہٗ یَخْرُجُ فِیْہِمْ مِّنْ ہٗٓ اَنْۢ یَّوْمَ لِقَآءِہٖٓ اَنْ یَّسْـَٔلُوْہٗ ۙ اَلَمْ یَجْعَلْ لَّہٗ اَنْۢ یَّحْیِیْہٖٓ  
وَہٗ یُمِیْتُہٖٓ ۙ وَہٗ یُعِیْبُہٗ ۙ اَلَمْ یَجْعَلْ لَّہٗ اَنْۢ یَّجْعَلْ لَّہٗ اَنْۢ یَّجْعَلْ لَّہٗ اَنْۢ یَّجْعَلْ لَّہٗ اَنْۢ

**113. Яхудийлар:** «Насоролар ҳеч нарсада эмаслар», - дедилар. Насоролар ҳам: «Яхудийлар ҳеч нарсада эмаслар», - дедилар. Ваҳоланки, улар [китоб тиловат](#) қилурлар. Худди шу каби, билмайдиган кимсалар ҳам уларнинг гапига ўхшаш гап айтган эдилар. Бас, улар [ихтилоф](#) қилиб юрган нарса ҳақида [қиёмат](#) куни ораларида [Аллоҳ](#) ҳукм қиладир.

[Кофирлар](#) [мусулмон](#)ларга нисбатан қилган турли-туман [даъво](#) ларидан ташқари, ўзаро бир-бирларига нисбатан ҳам даъволар қилар эдилар. Жумладан, [оятда](#) келганидек, **«Яхудийлар: «Насоролар ҳеч нарсада эмаслар», - дедилар».** Яъни [яхудийлар:](#) «[Насроний](#)лар ҳеч нарсага арзимайдилар, улар [эътиқод](#) қўйиб амал қилаётган нарсалари ҳеч нарса эмас», - деб уларни камситишса, ўз навбатида

**«Насоролар ҳам: «Яҳудийлар ҳеч нарсада эмаслар», - дедилар».**

Яъни [насроний](#)лар ҳам яҳудийларга нисбатан худди шундай муносабатда бўлар эдилар.

**«Ваҳоланки, улар китоб тиловат қилурлар».**

Уларнинг ҳар иккиси ҳам [аҳли китоб](#) саналадилар: яҳудийлар [Таврот](#)ни, насронийлар [Инжил](#)ни ўқийдилар.

Самовий китоб эгаси бўлмаган халқлар тўғрисида оятда:

**«Худди шу каби, билмайдиган кимсалар ҳам уларнинг гапига ўхшаш гап айтган эдилар»**, - дейилмоқда.

Яъни, уларни илоҳий таълимотларни «билмайдиган кимсалар» деб аталяпти. Аммо улар ҳам яҳудий ва насронийларнинг гапларига ўхшаш гапларни айтадилар, яъни, [мушрик](#)лар яҳудийлар ва насоролар ҳақида, булар, иккаласи ҳам ҳеч нарсага арзимади, дейдилар. Албатта, иш уларнинг гапига қараб бўлмайди.

**«Бас, улар ихтилоф қилиб юрган нарса ҳақида қиёмат куни ораларида Аллоҳ ҳукм қиладир».**

Улар тортишган масаланинг ҳақиқий ҳукмини қиёмат куни Аллоҳ таолонинг Ўзи чиқаради.

Фақат унутмаслик керакки, [кофир](#)лар ким бўлишларидан қатъи назар, бир-бирлари билан қанчалик тортишмасинлар, мусулмонларга қарши курашда бир бўлиб оладилар.

Келаси оятда кофирларнинг яна бир кирдикорлари фош этилади.

Шу билан уларга эргашиш мумкин эмаслиги яна бир бор тасдиқланади:

يَعَسَوْهُمُ سَأَاهِي فَرَكَذُي نَأَهْلَلِجَاسَمَعَنَّ مُمُ مَلْطَأُ نَمَو  
يَفْمُهَلَنِي فَيَأَخَّالِ اَهُوْلُخُدِي نَأْمُهَلَنَأَكْ اَمَكُئِلُوَأْ اَهُبَأَخْ يَف  
مُيَطْعُ بَأَدْعَ عَرَخْ أَلِ يَفْمُهَلَوُيْنِخْ اَيُنْدَلِ ا

**114. Аллоҳнинг [масжид](#)ларида Унинг исми зикр қилинишини ман этган ва уларни хароб қилишга саъй-ҳаракат қилган кимсадан кўра золисроқ ким бор? Ана ўшалар уларга фақат қўрққан ҳолларидагина киришлари керак эди! Уларга дунёда шармандалик бордир ва уларга [охират](#)да улкан азоб бордир. ("Тафсири Ҳилол" китобидан). [Валлоҳу аълам!](#)**